

NOTA RINGKAS BAHASA MELAYU TAHUN 2

KATA ADJEKTIF

Kata yang menunjukkan sifat / keadaan / bentuk sesuatu.

1. Kata adjektif sifat / keadaan

Contoh: baik, tegak, gopoh, pandai, takut, sihat, lemah, kasar, jahat, licin, garang, buas, condong

2. Kata Adjektif Warna

Contoh: hitam, putih, biru, jingga, merah, ungu

3. Kata Adjektif Ukuran

Contoh: nipis, besar, pendek, tinggi, rendah, kerdil, tebal, panjang, kecil

4. Kata Adjektif Bentuk

Contoh: kemik, leper, bujur, buncit, lurus, bulat, lekuk, bengkok

5. Kata Adjektif Jarak

Contoh: jauh, hampir, dekat, sebelah, rapat, nyaris

6. Kata Adjektif Waktu

Contoh: cepat, lambat, silam, segera, baharu,

7. Kata Adjektif Perasaan

Contoh: sayang, ragu, kecewa, gembira, rindu, marah, sayu, sedih, pilu

8. Kata Adjektif Cara

Contoh: perlahan, segera, deras, laju, lincah, sering

9. Kata Adjektif Pancaindera

Contoh: pahit, manis, busuk, tampan, merdu, payau, kelat, masin, masam, nyaring, gemersik

IMBUHAN AWALAN

- ber, men, mem, ter, di, pe

KATA GANDA PENUH

- Perkataan yang sama diulang dua kali untuk menunjukkan banyak. Contoh : buku-buku, pen-pen, kereta, kereta
- Juga digunakan untuk kata nama tetapi menunjukkan 1. Contoh : rama-rama, kura-kura

KATA HUBUNG

Menghubungkan ayat tunggal menjadi ayat majmuk.

1. Dan

- Apabila berlakunya situasi / perkara yang sama sama ada orang yang melakukan atau apa yang dilakukan.
- Contoh : Ali **dan** Abu menunggang basikal.
- Contoh : ibu membeli sayur **dan** ikan di pasar.

2. Sambil

- Melakukan dua perkara/perbuatan secara serentak.
- Contoh : Adi membaca buku **sambil** mendengar radio.

3. Lalu

- Perbuatan yang dilakukan secara berturutan.
- Contoh : Farhan mengetuk pintu **lalu** masuk ke dalam bilik guru.

4. Atau

- Menunjukkan beberapa pilihan atau situasi.
- Contoh : Mia dibenarkan tinggal di hospital **atau** pulang ke rumah.

5. Kerana

- Menunjukkan sebab
- Contoh : Amira tidak dapat hadir ke sekolah **kerana** demam.

KATA GANTI NAMA DIRI

1. Pertama (diri sendiri)

- Seorang : saya, aku, patik, hamba

- Dua @ ramai : kami, kita

2. Kedua (berada dengan kita)

- Seorang : kamu, awak, engkau

- Dua @ ramai : kalian

3. Ketiga (tiada dengan kita)

- Seorang : Orang biasa ~ dia, nya

- Seorang : berjawatan/lebih tua

- Beliau

- Ramai : mereka

KATA TANYA

1. Apa

- menanyakan benda atau haiwan
- Contoh: Apakah pekerjaan ayah awak?
- Apakah yang ada di dalam kotak itu?

2. Siapa

- menanyakan orang atau nama orang
- Contoh: Siapakah nama adik kamu?
- Siapakah yang menelefon Encik Rosli tadi?

3. Mengapa

- menanyakan sebab
- Contoh: Mengapakah kamu menangis?
- Mengapakah Julia tidak keluar makan?

4. Berapa

- menanyakan bilangan jumlah atau harga
- Contoh: Berapakah harga baju itu?
- Berapakah jumlah biji ping pong di dalam kotak itu.

5. Bila

- menanyakan masa dan waktu
- Contoh: Bilakah kamu akan bertolak ke Melaka?
- Bilakah dia akan sampai?

6. Di mana

- menanyakan tempat
- Contoh: Di manakah letaknya Kedai Runcit Pak Amid?
- Di manakah kemalangan itu berlaku?

7. Bagaimana

- menanyakan cara / keadaan
- Contoh: Bagaimanakah keadaan ibu kamu?
- Bagaimanakah caranya membuat kek lapis?

KATA KERJA

- Kata yang menunjukkan perbuatan, perlakuan dan pergerakan.
- Contoh : pandu, lari, berjalan, daki, masak, tidur, tembak, tepuk, tampar, ajar

KATA SENDI

- Kata yang menunjukkan perbuatan, perlakuan dan pergerakan.
- Contoh : pandu, lari, berjalan, daki, masak, tidur, tembak, tepuk, tampar, ajar

KATA SENDI

KATA SENDI NAMA	FUNGSI	AYAT CONTOH
Di	Menunjukkan tempat	Ah Geok tinggal di Perak
Ke	Menunjukkan tempat arah dan masa	Dia hendak pergi ke Kedah pada bulan hadapan. Ekspo Kerjaya ini dibuka dari pukul 10.00 pagi hingg ke pukul 5.00 petang.
Dari	Menunjukkan arah,tempat dan masa(ATM)	1.Bas itu dari selatan 2.David berasal dari Pulau Pinang 3.Ahmad menunggu kawannya dari pukul tiga petang tadi.
Hingga	Maksud had masa	Amin bekerja dari pagi hingga petang.
Dengan	Maksud bersama-sama	Ayah pergi ke pasar dengan adik
Daripada	(K)keanggotaan, (A)abstrak, (B)bandingan/benda, (O)orang/organisasi, (S)sumber.	1.Pasukan itu terdiri daripada lima orang pemain yang berpengalaman. (K) 2.Kejayaannya bermulad aripada kesusahan yang dialami .(A) 3.Bangunan Maybank lebih tinggi daripadabangunan itu .(B) 4.Chandran menerima surat itu daripadaabangnya .(O) 5.Maklumat itu diperoleh daripada Dewan Siswa .(S)
Pada	Menunjukkan tempat bagi perbuatan sesuatu kata kerja. Keterangan waktu.	Lukisan itu digantung pada dinding. Hujan turun dengan lebat pada pagi semalam.
Kepada	Menunjukkan arah, tempat orang yang ditujui.	Surat jemputan itu ditujukan kepada pengerusi persatuan.

POLA AYAT

- Frasa Nama **(FN)** + Frasa Nama **(FN)**
 - Ali seorang murid baharu.
 - Ali (FN) + Seorang murid baharu (FN)
- Frasa Nama **(FN)** + Frasa Kerja **(FK)**
 - Ibu Ahmad menjemur kain.
 - Ibu Ahmad (FN) + menjemur kain (FK)
- Frasa Nama **(FN)** + Frasa Adjektif **(FA)**
 - Siti Nurhaliza sangat cantik.
 - Siti Nurhaliza (FN) + sangat cantik (FA)
- Frasa Nama **(FN)** + Frasa Sendi **(FS)**
 - Nenek Faizul ke kedai runcit.
 - Nenek Faizul (FN) + ke kedai runcit (FS)

AYAT

- Ayat tunggal
 - Ayat biasa yang tidak mempunyai kata hubung
 - Contoh : Azim membaca buku.
- Ayat majmuk
 - Ayat yang mengandungi kata hubung.
 - Contoh : Ayu **dan** Zila bersahabat baik.
- Ayat tanya
 - Ayat yang terdapat tanda soal di belakangnya.
 - Berapakah harga buku tulis ini ?
- Ayat seru
 - Ayat yang mengandungi kata seru dan tanda seru.
 - Contoh : **Aduh**, sakitnya perut saya !